



*Mozese mo
Sosiua*



Na'e fili 'e he 'Otua 'a Mosese mo Sosiua ke na taki 'a e kakai 'o 'Isileli 'i ha to'u tangata hokohoko 'e ua, 'i ha ngaahi momeniti mahu'inga 'i hona hisitolia. 'Oku lava ke tau sio ki he ngaahi faitatau lahi 'i he founa na'e ngaue ai 'a e 'Otua mo kinautolu. 'I he ngaahi me'a faitatau ko 'eni, te tau lava foki 'o sio ki he founa 'oku ngaue ai 'a e 'Otua mo kitautolu.

**‘Oku ha ‘a e ‘Otua
kiate Kinautolu**



**Kia Mosese ‘i ha ulo ‘o e
afi ‘i he lotolotonga ‘o ha
‘akau. ‘Ekesotosi 3:2-3**



**Kia Sosiua ko ha
tangata tau mo ha
heleta unuhi.
Sosiua 5:13-14**


“Pea na’e ‘afio’i ‘e Sihova ki he’ene afe ke mamata, pea folofola ‘ae ‘Otua kiate ia mei he lotolotonga ‘oe ‘ulu’akau, ‘o pehē, “Mōsese, Mōsese.” Pea pehē ‘e ia, “Ko au eni.” 5 Pea pehē ‘e ia, “Oua na’a ke ofi mai ki heni; to’o ho topuva’e mei ho va’e, he ko e potu ‘oku ke tu’u ai ko e kelekele tapu.” Ekisotosi 3:4-5

“Pea pehē ‘e he ‘Eiki tau ‘oe tau ‘a Sihova kia Siosiua, “Vete ho topuva’e mei ho va’e; he ko e potu ‘oku ke tu’u ai, ko e potu mā’oni’oni. Pea na’e fai ia ‘e Siosiua.”.” Siosiua 5:15



Na’a ne fekau’i kinautolu ke nau vete ‘a e suu mei honau va’e koe’uhi he na’e toputapu ‘a e feitu’u





‘Okú Ne ‘oange kia Mōsese ‘a e misiona ko ‘ení:Pea ko eni, ke ke ha‘u, pea te u fekau koe kia Felo, koe‘uhi ke ke ‘omi hoku kakai ko e fānau ‘a ‘Isileli mei ‘Isipite.”
Ekisotosi 3:10



‘Oku ‘Oange ha Misiona Kiate Kinautolu .



Kimu‘a aí na‘á ne ‘oange kia Siosiuā ‘a e misiona kakató: “Pea na‘e folofola ‘a Sihova kia Siosiuā, “Vakai, Kuo u tuku ‘a Seliko ki ho nima, mo hono tu‘i, mo e kau tangata to‘a ‘o ia. Pea ko kimoutolu ‘ae kau tangata tau kotoa pē, te mou ‘ā‘i ‘ae kolo, ‘o ‘alu ‘o takatakai ‘o tu‘o taha. Pea ke fai pehē pe ‘i he ‘aho ‘e ono. Pea ‘e fua ‘e he taula‘eiki ‘e toko fitu ‘i he ‘ao ‘oe puha ‘oe fuakava ‘ae me‘alea ‘e fitu, ko e nifo ‘oe sipitangata: pea ‘i hono fitu ‘oe ‘aho te mou ‘alu fakatakamilo ‘i he kolo ke liunga fitu, pea ‘e ifi ‘e he kau taula‘eiki ‘ae me‘alea. Pea ‘e hoko ‘o pehē, ‘oka nau ka ifi fakamānavaloloa‘aki ‘ae me‘alea ko e nifo ‘oe sipitangata, pea ka mou ka ongo‘i ‘ae longoa‘a ‘oe me‘alea, ‘e kaila ‘e he kakai kotoa pē ‘i he fu‘u kaila lahi; pea ‘e hinga lafalafa ai ‘ae ‘ā ‘oe kolo, pea ‘e ‘alu hake fakahangatonu atu ki ai ‘ae tangata kotoa pē.” Siosiuā 6:2-5

‘Oku Palomesi ‘a e ‘Otuá Te Ne ‘iate Kinautolu .



“‘E ‘ikai ha tangata te ne fa‘a tu‘u ‘i ho ‘ao, ‘i he ngaahi ‘aho kotoa pē ‘o ho‘o mo‘ui: ‘o hangē ko ‘eku ‘ia Mōse, ‘e pehē pe ‘eku ‘iate koe: ‘e ‘ikai te u fakatukutuku‘i koe, pe si‘aki koe” Sosiua 1:5



"Pea na'e pehe 'e ia, Na'a ku 'ia Mose, pea te u 'iate koe" 'Ekesotosi 3:12

Na'e pau ke Fai 'a e Kamu ko ha Faka'ilonga 'o e Fuakava mo e 'Otua

“Pea na'e hoko 'o pehē 'i he hala 'i he fale talifononga, na'e fakafetaulaki 'a Sihova kiate ia, ko e kumi ke tāmata'i ia. 25 Pea na'e to'o ai 'e Sipola 'ae maka māsila, 'o ne kamu'i 'ene tama, 'o ne si ia ki hono va'e, 'o ne pehē, “Ko e mo'oni ko e mali pani toto koe kiate au.””


Ekisotosi 4:24-25



“Pea 'i he kuonga ko ia na'e folofola 'a Sihova kia Siosiua, “Ngaohi ma'au 'ae ngaahi hele māsila, pea toe kamu'i 'ae fānau 'a 'Isileli ko hono liunga ua.” 3 Pea na'e ngaohi 'e Siosiua 'ae ngaahi hele māsila, 'o ne kamu'i 'ae fānau 'a 'Isileli, 'i Kipahalaloti.”

Sosiua 5:2-3

Na'a nau Katoanga'i 'a e Lakaatu



“Pea na’e
‘apitanga ‘ae
fānau ‘a ‘Isileli
‘i Kilikali, ‘onau
fai ‘a e
kātoanga ‘oe
Lakaatu ‘i hono
hongofulu ma
fā ‘oe ‘aho ‘oe
māhina ‘i he
efiafi ‘i he
ngaahi
tafangafanga ‘o
Seliko. .”
Sosiua 5:10

“Pea na’e toki fekau ‘e Mōsese ke ha’u ‘ae kau mātu’a kotoa pē ‘o ‘Isileli, ‘o ne pehē kiate kinautolu, “Vahe’i ‘o to’o kiate kimoutolu ‘ae lami ‘o fakatatau ki homou ngaahi kau nofo’anga ‘o tāmata’i ‘ae Lakaatu. Pea te mou to’o ‘ae ‘ū ‘isope ‘o unu ia ki he toto ‘oku ‘i he ipu, ‘o vali ‘ae potu fakalava mo e pou ‘e ua ‘oe matapā ‘aki ‘ae toto ‘aia ‘oku ‘i he ipu; pea ‘e ‘ikai ‘alu ha tokotaha ‘i he matapā ‘o hono fale kitua’ā kae’oua ke pongipongi hake. Koe’uhi ‘e hā’ele atu ‘a Sihova ke taa’i ‘ae kakai ‘Isipite: pea ka ‘afio ia ki he toto ‘i he potu fakalava mo e pou ‘e ua, ‘e Lakaatu ‘a Sihova ‘i he matapā, pea ‘e ‘ikai te ne tuku ‘ae faka’auha ke hū ki homou fale ke taa’i ‘akimoutolu.” Ekisotosi 12:21-23

Na'a nau Fou Momoa 'i he Tahī mo e Vaitafe



“Pea na’e mafao atu ‘ae nima ‘o Mōsese ki tahi; pea na’e pule ‘a Sihova ke foki ‘ae tahi ‘i he matangi mālohi mei hahake, ‘i he pō kotoa ko ia, ‘o ne ngaohi ‘ae tahi ke mōmoa, pea na’e vaeua ‘ae ngaahi vai. Pea na’e ‘alu mōmoa ‘ae fānau ‘a ‘Isileli ‘i he loto tahi: pea ko e ‘ā kiate kinautolu ‘ae vai ‘i he nima to’omata’u, mo e nima to’ohema.” Ekisotosi 14:21-22



“Pea na’e pehē, ‘i he hiki ‘ae kakai mei honau ngaahi fale fehikitaki, ke ‘alu ki he kauvai ‘e taha ‘o Sioatani, na’e ‘alu mu’omu’a ‘ae kau taula’eiki ‘i he ‘ao ‘oe kakai, ‘o ha’amo ‘ae puha ‘oe fuakava; Pea ‘i he hoko ki Sioatani ‘akinautolu na’e ha’amo ‘ae puha, pea tu’u ki he ve’evai ‘ae va’e ‘oe kau taula’eiki na’e ha’amo ‘ae puha, (he na’e fonu mahakehake ‘a Sioatani, ‘i hono ngaahi ngutu vai kotoa pē ‘i he kuonga kotoa pē ‘oe ututa’u,) ‘lloange ko e ngaahi vai na’e tafe mai na’e tu’u, pea tupu hake ‘o fakatafungofunga, ‘o vāmama’o ‘aupito mei he kolo ko ‘Atama, ‘aia ‘oku ‘i he potu ‘o Salitani: pea ko ia na’e tafe mai ki he tahi ‘oe toafa, ‘aia ko e tahi kona, na’e mamaha ia, pea motuhi: pea na’e a’a ai ‘ae kakai ‘o hangatonu ki Seliko. Pea ko e kau taula’eiki ‘aia na’e ha’amo ‘ae puha ‘oe fuakava ‘o Sihova na’e tu’uma’u ‘i he kelekele mōmoa ‘i loto Sioatani, pea na’e ‘alu ‘ae kakai ‘Isileli kotoa pē ‘i he kelekele mōmoa, ke ‘oua ke ‘osi ‘ae kakai kotoa pē ki he kauvai ‘e taha ‘o Sioatani.” Sosiua 3:14-17



“Pea pehē ‘e Mōsese ki he kakai, “Oua te mou manavahē, tu’u fakalongolongo pe, ‘o mamata ki he fakamo’ui ‘a Sihova, ‘aia te ne fakahā kiate kimoutolu he ‘aho ni: he ko e kakai ‘Isipite kuo mou mamata ki ai he ‘aho ni, ‘e ‘ikai te mou toe mamata ki ai ‘o lauikuonga. 14 ‘E tau ‘a Sihova ma’amoutolu, pea te mou fakalongo pe.”

Ekisotosi 14:13



‘Otua ‘o e Ngaahi Me’a Fakaofa “He ko ia ia ‘oku ne fa’a fai ‘ae ngaahi me’a lahi mo ta’efa’a’ilo; ko e ngaahi me’a fakaofa mo ta’efa’alaua:” (Siope 5:9)

“Pea na’e pehē ‘e Siosiuva ki he kakai, “Fakamā’oni’oni’i ‘akimoutolu: koe’uhi ‘e fai ‘e Sihova ‘apongipongi ‘ae ngaahi mana ‘iate kimoutolu.” Sosisua 3:5





**Na'a nau
fakamanatu 'a e
me'a na'e hoko
'aki ha fo'i hiva
mo ha maka
fakamanatu**



“Pea na’e toki hiva ‘e Mōsese mo e fānau ‘a ‘Isileli ‘ae hiva ni kia Sihova, ‘onau pehē, “Te u hiva kia Sihova, he kuo ne ikuna fakamanavahē: ko e hoosi mo ia ‘oku heka ai kuo ne lī ki loto tahi. Ko hoku mālohi mo ‘eku hiva ‘a Sihova, pea kuo hoko ia ko hoku fakamo’ui: ho hoku ‘Otua ia, pea teu teuteu mo’ona ‘ae fale nofo’anga; ko e ‘Otua ia ‘o ‘eku tamai, pea te u fakahikihiki ia.” Ekisotosi 15:1-2

Koe’uhi ke hoko ia ko e faka’ilonga, ‘oka fehu’i ‘e ho’omou fānau ki he’enau mātu’a ‘amui, ‘o pehē, Ko e hā hono ‘uhinga ‘oe ngaahi maka ni? Pea te mou tala kiate kinautolu, na’e motuhi ‘ae vai ‘o Sioatani mei he ‘ao ‘oe puha ‘oe fuakava ‘a Sihova; ‘i he’ene a’a ‘i Sioatani, na’e motu ua ‘ae vai ‘o Sioatani: pea ko e ngaahi maka ni ko e me’a fakamanatu tu’uma’u ki he fānau ‘a ‘Isileli ‘o ta’engata.” Sosiua 4:6-7



'OKU NGAUE FEFE 'A E 'OTUA MO KITAUTOLU?

- 'Oku fakaha mai 'e he 'Otua la ki he tokotaha takitaha 'o fktatau ki he'etau fiema'u (Sosiua ko ha tangata tau te ne ikuna)
- Ne fakahaa'i mai kiate kitautolu 'Ene ma'oni'oni, Hono 'ulungaanga
- 'Oku Ne 'omi ha misiona kiate kitautolu
- 'Oku Ne tala'ofa mai te Ne 'iate kitautolu
- 'Oku Ne kole mai ke kamu hotau loto
- 'Oku tau tali 'a e feilaulau fakalelei 'a Sisuu
- 'Oku tau laka atu ki mu'a 'i he tui
- 'Oku fakahoko 'e he 'Otua 'a e ngaahi me'a fakaofa
- 'Oku tau fakafeta'i kiate la

Te tau sio ki ha ngaahi me'a 'oku faitatau ai 'a e ongo tangata ko 'eni pea mo e founa na'a nau ma'u fakataha ai mo e kakai 'o 'Isileli, 'a e faingamalie ke fili ke tui pe 'ikai.

Pea na'e folofola ai 'a Sihova kia Mōsese, "Vakai, Te u faka'uha 'ae mā mei he langi ma'amoutolu: pea 'e 'alu atu 'ae kakai 'o tānaki fakatuhotuha ki he 'aho kotoa pē 'ae mā, koe'uhi ke u 'ahi'ahi'i 'akinautolu, pe te nau felaka'i 'i he'eku ngaahi fekau pe 'ikai. Pea 'i hono ono 'oe 'aho 'e fai pehē, te nau ngaohi 'aia kuo na tuku, pea 'e tu'oua hono lahi hake 'i he mā 'oku nau 'omi 'i he 'aho kehe." ...

Pea na'e ui hono hinga 'e he fale 'o 'Isileli, ko e Mana: pea na'e hinehina ia 'o hangē ko e tenga'i kolianita; pea ko hono ifo na'e hangē ha mā kuo ngaohi 'aki 'ae honi." Ekisotosi 16:4-5, 31

Ko e Mana ko e Ma 'o e Langi

"Pea na'a nau kai 'ae uite motu'a 'oe fonua 'i he pongipongi 'i he hili 'a e katoanga 'oe Lakaatu, ko e mā ta'efakalēvani, mo e uite tunu 'i he 'aho pe ko ia.¶ Pea na'e tuku leva 'ae mana 'i he pongipongi hili 'enau kai 'ae uite motu'a 'oe fonua; pea na'e 'ikai toe ma'u 'ae mana 'e he fānau 'a 'Isileli; ka na'a nau kai 'ae fua 'oe fonua ko Kēnani 'i he ta'u ko ia." Sosiua 5:11-12



“Pea na’e folofola ‘a Sihova kia Mōsese, ‘o pehē,
“Ke ke fekau ha kau tangata, ke nau ‘alu ‘o vakai ki
he fonua ko Kēnani, ‘aia te u foaki ki he fānau ‘a
‘Isileli: ‘i he fa’ahinga taki taha ‘o ‘enau ngaahi
tamai ke mo fekau ha tangata, ‘oku taki taha
matāpule ‘iate kinautolu.” Pea na’e fekau ‘e
Mōsese kiate kinautolu ‘i he fekau ‘a Sihova, mei
he toafa ko Palani: ‘ae kau tangata kotoa pē na’e
matāpule ‘i he fānau ‘a ‘Isileli.” Nōmipa 13:1-3


**Na’e fekau’i
atu ha kau
faka’asi’asi
ke kumi ‘a e
fonua .**

“Pea na’e fekau ‘e Siosiuā, ko e
foha ‘o Nuni, ‘ae ongo tangata mei
Sitimi, kena faka’asi’asi fakafufū
pē, ‘o ne pehē, Mo ō ‘o vakai ‘ae
fonua, ‘io, ‘a Seliko. Pea na’a na ō
‘o hoko ki he fale ‘o ha fefine
angahala, na’e hingoa ko Lehapi,
pea na mohe ai.” Siosiuā 2:1



“Pea na’a nau lea kiate ia, ‘o pehē, “Na’a mau ō ki he fonua na’a ke fekau ‘akimautolu ki ai, pea ko e mo’oni ‘oku pito ia ‘i he hu’ahuhu mo e honi; pea ko hono fua eni. Ka ‘oku mālohi ‘ae kakai ‘oku nofo ‘i he fonua, pea kuo ‘ā maka ‘ae ngaahi kolo, ‘o lahi ‘aupito: pea na’a mau mamata ‘i ai ki he fānau ‘a ‘Anaki. ‘Oku nofo ‘i he potu fakatonga ‘oe fonua ‘ae kau ‘Amaleki: pea ko e kau Heti, mo e kau Sepusi, mo e kau ‘Amoli, ‘oku nau nofo ‘i he ngaahi mo’unga: pea ko e kau Kēnani ‘oku nofo ‘akinautolu ‘o ofi ki he tahi, pea mo e matafonua ‘o Sioatani.” Pea na’e lolomi ‘e Kelepi ‘ae kakai ‘i he ‘ao ‘o Mōse, ‘o ne pehē, “Ke tau ‘alu hake ke vave, ‘o ma’u ia; he ‘oku tau mālohi lahi ke ikuna ia.” Ka na’e pehē ‘e he kau tangata na’a nau ‘alu hake mo ia, “‘E ‘ikai te tau mālohi ke ‘alu hake ki he kakai; he ‘oku nau mālohi ‘iate kitautolu.” Pea na’a nau ‘omi ki he fānau ‘a ‘Isileli ‘ae ongoongo kovi ‘oe fonua na’a nau ‘alu ‘o vakai, ‘o pehē, “Ko e fonua na’a mau ‘alu atu ke vakai ki ai, ko e fonua ia ‘oku ne keina ke ‘osi hono kakai; pea ko e kakai kotoa pē na’a mau mamata ‘i ai ko e kau tangata lalahi ‘aupito. Pea na’a mau mamata ‘i ai ki he kau tangata lalahi fakamanavahē, ko e ngaahi foha ‘o ‘Anaki ‘aia ‘oku tupu ‘i he fa’ahinga lalahi: pea na’a mau tatau ‘i homau mata ‘omautolu mo e fanga he’e, pea na’a mau pehē mo’oni ‘i honau ‘ao ‘onautolu.” **Nōmipa 13:27-33**

Report of the Spies



“Ko ia na’e liu mai ‘ae ongo tangata ‘o ‘alu hifo mei he mo’unga, ‘o na ō ki he kauvai ‘e taha, ‘o hoko kia Siosiua ko e foha ‘o Nuni, ‘o fakahā kiate ia ‘aia kotoa pē kuo hoko kiate kinua: Pea na’a na pehē kia Siosiua, “Ko e mo’oni kuo tukuange ‘e Sihova ‘ae fonua kotoa pē ki hotau nima; he ‘oku vaivai ‘ae kakai kotoa pē ‘oe fonua koe’uhi ko kitautolu.”” **Siosiua 2: 23-24**

Ola 'o e Tu'utu'uni

'Ikai Ma'u 'a e Kelekele mo e Mate:
"Ke ke tala kiate kinautolu, "Oku pehē 'e Sihova, ko e mo'oni 'a 'eku mo'ui, pea te u fai kiate kimoutolu 'o hangē ko ho'omou lea 'i hoku telinga: 'E tō homou 'anga'anga 'i he toafa ni 'akinautolu kotoa pē na'e lau 'iate kimoutolu, 'o fakatatau ki homou lau kotoa pē, mei hono ta'u 'e uofulu tupu, 'akinautolu 'aia kuo lāunga kiate au, Ko e mo'oni 'e 'ikai te mou hoko atu ki he fonua, 'aia ne u fuakava ke tuku kiate kimoutolu ke mou nofo ai, ka ko Kelepi ko e foha 'o Sifune, mo Siosiua ko e foha 'o Nuni. Ka ko ho'omou fānau, 'akinautolu na'a mou pehē ki ai tenau pōpula, te u 'omi 'akinautolu ki ai, pea 'e 'ilo 'ekinautolu 'ae fonua kuo mou li'aki. Ka ko kimoutolu, 'e tō homou 'anga'anga 'i he toafa ni."

Nōmipa 14:28-32



Ma'u 'a e Kelekele:

"Ko ia na'e kaila 'ae kakai 'i he ifi 'ae me'alea 'e he kau taula'eiki: pea na'e hoko 'o pehē, 'i he fanongo 'ae kakai ki he ifi 'oe me'alea, pea kaila 'e he kakai 'i he fu'u kaila lahi, na'e hinga lafalafa 'ae ā ki lalo, pea 'alu hangatonu hake 'ae kakai ki loto kolo, 'o 'alu hangatonu atu 'ae tangata kotoa pē, 'onau ma'u 'ae kolo..."

Sosiua 6:20-24



‘Oku tatau ‘a e ‘Otua ‘i he ‘aneafi, ‘aho ni, mo e ‘apongipongi. ‘Oku Ne fakaha ia ki he to‘u tangata kotoa pe ‘a e tatau: ‘alo‘ofa; fa‘a kataki; ko e me‘a pe ia; ‘Oku Ne fakahoko ha ngaahi mana; ‘Oku ne fakamo‘oni‘i kitautolu...

‘Oku tau fili ke falala kiate la pe ‘ikai, ‘o hange ko ia na‘e fai ‘e he kakai ‘o ‘Isileli. Kapau te tau falala mo tu‘u ma‘u ‘i He‘ene folofola, te tau a‘u ki he Fonua ‘o e Tala‘ofa ‘oku mahutafea ‘i he hu‘akau mo e hone. Te tau ha‘u ‘o nofo ‘i he Kenani fakalangi, ‘a e mamani fo‘ou, pea te tau mamata ai ki he ngaahi me‘a kuo te‘eki mamata ki ai ‘a e mata, pe fanongo ki ai ha telinga, pe hu ki he loto ‘o e tangata.

‘Oku ou poupou‘i kimoutolu he ‘aho ni, ke tuku ke fakama‘oni‘oni‘i kitautolu ‘e he ‘Otua, ke hokohoko atu ho‘omou falala ki He‘ene folofola, pea talangofua ki ai. Ko ia, ‘e vave ni pe ha‘atau fe‘iloaki ‘i Kenani Fakasilesitiale.

